



Istinomjer Zastone &lt;istinomjer@zastone.ba&gt;

---

## odgovor na upit

---

**Medžida Kulanić** <medzida.kulanic@mp.ks.gov.ba>  
To: istinomjer@zastone.ba  
Cc: Ministarstvo Privrede KS <mp@mp.ks.gov.ba>

Wed, Aug 25, 2021 at 3:51 PM

Poštovani,

U utorak, 24.08.2021. godine, poslali ste upit na email adrese u Ministarstvu privrede, sa sljedećim sadržajem:

"Javljam se sa portala Istinomjer.ba, u vezi najave da će izgradnja prve vjetroelektrane u KS započeti u augustu. S obzirom na činjenicu da se mjesec august bliži kraju, a da se na stranici Vlade KS ili nadležnog ministarstva ne može pronaći informacija o tome da li će radovi uskoro i započeti molimo vas za informaciju o planiranom početku radova na izgradnji prve vjetroelektrane u KS."

### Odgovor Ministarstva privrede KS na vaš upit:

Poštovani, kad je u pitanju izgradnja spomenute vjetroelektrane, ključne su dvije riječi u objavi iz februara tekuće godine. Prva je da je to *najava*, a druga da bi izgradnja vjetroelektrane *trebala* početi u augustu 2021. godine. Obzirom na niz faktora koji utječu na procese u realizacije projekta vjetroelektrane, mi smo već tada istakli da bi prema našim procjenama gradnja trebala početi, a ne da će početi u augustu.

Shodno trenutnom stanju određenih procesa u realizaciji projekta vjetroelektrane - VE Ivan Sedlo možemo reći da će doći do određenog prolongiranja početka samih građevinskih radova, prije svega zbog kompleksnosti samog predmeta koncesije, odnosno izgradnje i korištenja spomenute vjetroelektrane, a zatim i složenosti administrativnih procedura.

Ipak, možemo konstatovati da su do danas okončani znatni postupci i aktivnosti koji se odnose na ovaj projekat, i trenutno smo u finalnom procesu parcelizacije određenih zemljišnih parcela u obuhvatu lokacije predmeta koncesije, tako da se nadamo početku pripremnih građevinskih radova na lokaciji predmeta koncesije već početkom oktobra ove godine, ukoliko naravno, svi procesi budu tekli prema planu.

Mi ćemo, kao i do sada, blagovremeno obavještavati javnost o procesima koji su aktuelni u Ministarstvu privrede.

S poštovanjem,

Ministarstvo privrede KS